

FYRIRMÆLI

UM FRÁGANG OG VÖKTUN

Fjarðabyggð

Starfsstöð: í landi Rima í Mjóafirði
Lögheimili: Hafnargötu 2, 730 Reyðarfirði
Kt.: 470698-2099

1.1 Fyrirmæli um frágang og vöktun

Umhverfisstofnun gefur eftirfarandi fyrirmæli um frágang og vöktun urðunarstaðar Fjarðabyggðar í landi Rima í Mjóafirði í samræmi við 61. gr. laga nr. 55/2003 um meðhöndlun úrgangs og 24. gr. reglugerðar nr. 738/2003 um urðun úrgangs.

1.2 Ábyrgð rekstraraðila

Fjarðabyggð, kt. 470698-2099, ber ábyrgð á viðhaldi urðunarstaðarins í landi Rima í Mjóafirði og vöktun og greiningu vatns í nágrenni hans, sbr. 61. gr. laga nr. 55/2003.

Fjarðabyggð er hér eftir nefnd rekstraraðili.

Fari rekstraraðili ekki að fyrirmælum Umhverfisstofnunar um vöktun skal Umhverfisstofnun láta vinna verkið á kostnað rekstraraðila, sbr. 4. mgr. 61. gr. laga nr. 55/2003. Starfsleyfistrygging rekstraraðila skal þá leyst út til greiðslu verksins.

Rekstraraðili skal bera kostnað af þinglýsingu þessara fyrirmæla um frágang og vöktun og aflýsingu þeirra að vöktunartímabili loknu, sbr. 61. gr. laga nr. 55/2003.

1.3 Starfsleyfistrygging

Sveitarstjórn Fjarðabyggðar samþykkti ábyrgðaryfirlýsingu á 651. fundi sínum, þann 17. febrúar 2020, sbr. bókun í fundargerð.

1.4 Frágangur urðunarstaðarins

Frágangi á urðunarstaðunum er lokið, sbr. upplýsingar er fram koma í áætlun um lokun urðunarstaðar í landi Rima er Fjarðabyggð sendi inn þann 18. júní 2017. Í eftirlitsskýrslum Umhverfisstofnunar kemur fram að enginn úrgangur hefur verið urðaður á urðunarstaðnum frá árinu 2007 þegar fiskeldi í Mjóafirði lagðist af. Landið sem nýtt var til urðunar er vel gróið og fellur vel að umhverfinu í kring. Hvergi var sjáanlega mengun sem rekja mætti til starfseminnar.

1.5 Sigvatn

Sigvatni var ekki safnað með söfnunarkerfi á botni og í hliðum urðunarreina á rekstrartíma urðunarstaðarins og því er ekki gerð krafa um slíka söfnun sigvatns eftir lokun urðunarstaðarins.

1.6 Hauggas

Urðunarstaðurinn fellur undir a-lið tl. 4.2.4 í viðauka I við reglugerð nr. 738/2003 um urðun úrgangs, sbr. breytingarreglugerð nr. 294/2014. Því er ekki gerð krafa um söfnun hauggass eftir lokun urðunarstaðarins. Jafnframt er ekki gerð krafa um sýnatöku og mælingar á hauggasi, sbr. tl. 4.2.6 í viðauka I við reglugerð nr. 738/2003, sbr. breytingarreglugerð nr. 294/2014.

1.7 Fyrirkomulag vöktunar

Rekstraraðili skal skrá upplýsingar um eftirfarandi atriði:

- Breyting á umfangi urðaða úrgangsins (sig): Árleg mæling.
- Niðurstöður úr vöktun grunnvatns, sbr. gr. 1.8.
- Magn úrkomu: Daglega og mánaðarúrkoma.
- Hitastig: Meðalhiti mánaðar.
- Uppgufun: Daglega og mánaðaruppgufun.
- Loftraki: Meðalraki mánaðar.

Ef upplýsingar um veðurfar liggja fyrir frá nálægri veðurstöð má styðjast við þær.

Rekstraraðili skal skila niðurstöðum framangreindra skráninga til Umhverfisstofnunar fyrir 1. maí ár hvert fyrir undangengið almanaksár, sbr. 19. gr. laga nr. 55/2003. Afrit skal senda viðkomandi heilbrigðisnefnd.

1.8 Mælingaáætlun

Fullnægjandi aðstaða til sýnatöku og mælinga á grunnvatni og skal vera fyrir hendi til að unnt sé að fylgjast með mengun sem frá urðunarstaðnum kann að berast. Tekin skulu sýni af vatni þar sem meðalsamsetning er dæmigerð.

Rekstraraðili skal kosta og ábyrgjast framkvæmd sýnatöku og mælinga. Upplýsingar um framkvæmd sýnatöku og mælinga skulu vera aðgengilegar eftirlitsaðila.

Rekstraraðili skal vakta grunnvatn samkvæmt eftirfarandi mælingaáætlun:

	Mæli-/sýnatökustaður	Mæliþættir	Tíðni
Staða grunnvatns	Mælibrunnar: a) einn ofan urðunarstaðar b) tveir neðan urðunarstaðar	Hæð grunnvatnsborðs	Tvisvar á ári; fyrir 1. maí og 1. okt.
	Mælibrunnar: a) einn ofan urðunarstaðar b) tveir neðan urðunarstaðar	Hitastig, leiðni, pH, súrefnisþörf (COD), ammóníum (NH_4^+), níturat (NO_3^-), fosfór (P_{heild}), olía/fita, lífræn halógensambönd (AOX), blý (Pb), kadmíum (Cd), kvikasilfur (Hg), tin (Sn)	Annað hvert ár (fyrst 2021; fyrir 1. okt.)

Staðsetja skal mælibrunna í samráði við útgefanda starfsleyfis.

1.9 Tilkynningaskylda vegna mengunar

Rekstraraðili skal tilkynna Umhverfisstofnun um hvers konar skaðleg áhrif á umhverfið sem teljast veruleg og koma í ljós við vöktunina og hlíta ákvörðun stofnunarinnar um nauðsynlegar aðgerðir til úrbóta. Þær aðgerðir skulu vera á kostnað rekstraraðila, sbr. 5. mgr. 61. gr. laga nr. 55/2003 og 24. gr. reglugerðar nr. 738/2003.

1.10 Gildistími og endurskoðun vöktunar

Fyrirmæli þessi gilda til 5. júní 2050.

Umhverfisstofnun skal endurskoða fyrirkomulag vöktunar á þriggja ára fresti, sbr. 3. mgr. 61. gr. laga nr. 55/2003.

Ákvörðun Umhverfisstofnunar um útgáfu fyrirmæla um frágang og vöktun er kæránleg til úrskurðarnefndar umhverfis- og auðlindamála innan eins mánaðar frá birtingu ákvörðunar Umhverfisstofnunar, skv. 1. mgr. 67. gr. laga nr. 55/2003 um urðun úrgangs, sbr. 4. gr. laga nr. 130/2011, um úrskurðarnefnd umhverfis- og auðlindamála.

Reykjavík, 5. júní 2020

Umhverfisstofnun

Sigrún Ágústsdóttir
forstjóri

Hlín Gísladóttir
lögfræðingur